

Uunga siunnersuut: Utoqqalinersiaqarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut, aamma siusinaartumik pensionisiat pillugit Inatsisartut inatsisaata allanngortinneqarnissaanut siunnersuut

(Isumaginninnermut, Suliffeqarnermut Nunamullu Namminermt Naalakkersuisoq)

Saqqummiussissut

(Isumaginninnermut, Suliffeqarnermut Nunamullu Namminermt Naalakkersuisoq)

Siullermeerneqarnera

Naalakkersuisut matumuuna saqqummiuppaat Utoqqalinersiaqarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut, aamma siusinaartumik pensionisiat pillugit Inatsisartut inatsisaata allanngortinneqarnissaanut siunnersuut.

Utoqqaat atugaasa ukiumoortumik pitsanngorsarneqartarnissaannut 2022-mut Aningaasanut inatsisip akuersissutigineqarneranut atatillugu aningaasaliissutissanik 2022-mi atorqeartussanik 15 mio. kr.-nik 2023-ilu aallarnerfigalugu ukiumoortumik 30 mio. kr.-nik immikkoortitsisoqarpoq.

Siunnersuummi matumani utoqqalinersiat siusinaartumillu pensionisiat pillugit inatsisit allannguuteqassapput.

Siunnersuummi tunngaviusumik tunniunneqartartut utoqqalinersialinnut tamanut amerlineqassapput. Tunngaviusumik tunniunneqartartut amerlinerisigut utoqqalinersiallit isertitatigut tunngavigisaat kivinneqarsinnaalerpoq, aappariittut illugiilluni pilersuisussaataitanermt sunniuteqanngitsumik.

Siunnersuuteqarnikkut utoqqalinersialinnut kisimiittunut aappariinnullu pisortanit utoqqalinersiat ukiumut 9.000 kr.-nik amerlineqassapput.

Tamatuma saniatigut siunnersuummi siusinaartumik pensionisiat qaffasinnerpaartaat amerlineqarput, tassaallutik sulisinnaassusikinnerpaanut siusinaartumik pensionisialinnut tunniunneqartartut.

Siunnersuummi siusinaartumik pensionisiat qaffasinnerpaartaat ukiumut 5.660 kr.-nik amerlineqarput.

Siunnersuummi siusinaartumik pensionisiallip aappaqarsimagunilu aappaasup siusinaartumik pensionisiant ilanngaateqanngitsumik isertissinnaasaat ukiumut 10.000 kr.-nik aamma ilaneqarput. Taamatut aqqissuussinitsigut siusinaartumik pensionisiallit pisinnaasut pensionisiassat ilanngaaffigineqanngikkaluarlutik sulisinnaalissapput.

Taamatut oqaaseqarlunga siunnersuut Inatsisartunut suliassanngortippara.